

LLETRES NUEVES

Cerca y lloñe*

Acullá del pecáu
indicible, adórote,
y al restolar nes mios pallabres
sólo afayo unos besos.

Nel pechu, na ñuca,
quírote.
nel cállice secretu,
quírote.

Onde'l to vientre ye combu,
fuxitiva la to espalda,
arumosu'l to cuerpu,
quírote.

GABRIEL CELAYA
(del llibru: *Se parece al amor*, 1960)

Epílogu*

El to vientre como fola
enriba la cama.

Dexa qu'aporte
dexa qu'afuxa,
que daqué dexará na playa.

¡Ai, alegría,
lo que la fola tenía!

JESÚS LÓPEZ PACHECO
(del llibru: *Canciones del amor prohibido*, 1961)

Cantar perversu de xunu*

Dexame char un pigazu
contigo, amor, na to cama;
contigo, aunque nun duerma.

Paroles diréte diciendo
qu'enantés de surdime
esñidiarán pel to cuerpu.

Les altes hores del sol
sedrán col so silenciu
cómplices nel nuesu fogaxe.

Déxame char un pigazu
contigo, amor, na to cama;
contigo, aunque nun duerma.

RAFAEL MONTESINOS
(del llibru: *Canciones perversas para una
niña tonta*, 1945)

* Tornos: Xulio Lluís Pardo Fernández

A los sos desconsolaos vilbos

Fuisti

oveya prieta nel rebañáu intelectual franquista:
a la postre y al cabu y polo menos,
collaboracionista.

Sumíes

y alboriaba n' Asturias el día más fríu del añu;
la tierra
a la que tánto-y fixisti
quixo axelar dafechu
pa recibite.

X.B.P. HEVIA